

www.BibleForChildren.org

San Mateo 8



Kua' panoj eyi día, monamiktilo' ipan altepe' Caná, ipan ita Galilea. Iye' Jesús ompa onoya. Jesús iwán idiscipulojmej no motalkej kan monamiktilo.



Tami' vino, iwán iye' Jesús kijtoj: —Ay'ya kipiáj vino.
Iwán María kijlij yej kikixtijtoyaj vino: —Xikchiwakan
nochi kensan Jesús mitzijliáj.



Jesús kijlij yej kikixtijtoyaj vino:
—Xiktemikan iga a'ti inimej akomimej.
Iwan kakilijkej a'ti este yejye'temi', iwan
Jesús kijtoj: —Inan xikixtakan alin, iwan
xikuiguilikan yej mencargarowa inin ilwi'.
Ijkon kichijkej.



Iwán yej kitalkej iga makita te moneki ipan inón ilwi',
kimachilij a'ti yej mochij vino, niga kimati' kan wala; petz
yej kikixtijtoyaj vino
kimatiáj iga yejemen
kajakijkej a'ti.



Iwán yej mencargarowa ipan inón ilwi', kinotza'
chokotzin yej monamiktiá, iwán kijlij: —Nóyansan kan
monamiktilo, achto mooniá
vino yej máj yekti, iwán
kuá' te-ikniwan konijkeja
poxsan, mooniaya sej
namolvinoj. E' tej tikena'
vino yej máj yekti, este
inán-o' nemi
mooniá.




Inín yej Jesús kichij Caná ipan estado de Galilea,
ácho-o' kichij milagro kan kinextij
iweyipoder; iwán
idiscipolojmej
kicredoijkej ipan yéj.



Jesús yajki chan Pedro, wan kasito imonan Pedro wetzto' ipan tapech iga kawanto'.



Jesús kimakitzkij, iwán íkuḗ'san seḡi' ikajlo'; iwán mokétza'ya iga kitamá' Jesús.




Kua' kála'ya tonaṭi', iwán némiya takomiti
kiwajwaliguilijkej Jesús nochi yej sese'pa iga
wetitoyaj iwán yej
kipiayaj malespiritojmej.
Iwán nochi de inón
altepe' monechkojkej
kaltenoj.



Jesús kachitij mia' yej sese'pa iga wetitoyaj iwán yej kipiayaj malespíritojmej, nochi kikixtilijkej. Akimakaltij iga matajtokan malespíritojmej iga kimatiáj a'yéj in Jesús.



Iwán nochi kinekiáj makichijchimikān Jesús, iga ipan yéj kīsaya poder iwán inochi kachitialiaya.



Iwán asitoj nawi tajtaga' yej kiwigakej se taga' yej awel
nejnemi nokta.



E' kua' kitakej iga awel
kalakij kan ono' Jesús iga
poxsan onolo' kalijti', . . .



. . . tajtaga' kixitinkej alín
ipetayo kajli kạn kimatiáj iga
ono' Jesús, iwán ompa
kipipilojtitemowijkej
ipan itapech in inón yej
awel nejnemi.




E' kua' Jesús kita' kén iga
moconfiarowayaj ipan yéj,
kijlij yej wētitoya:
—Nopíj, nochi yej
tikchij yej ayēkti,
nimitzelkawiliaya.
Iwán Jesús kijlij
yej awel nejnemi:
—Tej nimitzijliá,
ximoketza, xikui
motapech, iwán
xaja mochān.



Iwán Jesús tejkaj ipan weyi
ákał, senyajki iwán
idiscipolojmej. Tajko laguna
pewa' se ejeka' yej pox
tajpalej este ațemiaya
ákał. E' Jesús kochtoya.



Jesús kijtoj: —¿Te iga poxsan anmajmawij?
¡Amejemen alintzin anmoconfiarowaj nopan! Iwán
Jesús moketza', kajajwa' ejeka' iwán a'ti, iwán
santakampolijtikawi'. Tajtaga' san
tajtachixtikajkej, iwán kijtojkej:
—¿Ix a'taj yéj nokta an
in inín taga' yej
este ejeka' iwán
a'ti kitajtolkakij?



Dios poxsan kichokilij inochimej yej
onokej ipan inín tajli, este kimá'
iselpiltzin, iga inochi yej makicredo
ipan yéj amo mapoliwi, majwa'
nochipa maono wan Dios.



Romanos 3:23 Tonochin tikchijkej yej ayekti iwán inón iga timoyokatijtokej wán Dios.

Romanos 6:23 Yej kichiwa yej ayekti, motaniliá iga mamiki, e' yej temakokatiá Dios, inón iga nochipa matonokan íwan iga tisetitókeja wán Cristo Jesús yej toTeko.

Hebreos 9:27 Tonochimej tiawij timikitij sesan vej, iwán despuéj Dios yawi tejuzgaroti.

Efesios 2:8,9 Dios mitzmanawijkej iga mitzchokiliáj iga ípan anmoconfiarojkej; iwán inín ayéj iga amoganaj ankichijkej, sino que Dios mitzyokamakokawijkej.

Inín ayéj iga tejté tikchijkej iga tiktankej, iga amo agaj mamoweyimati.



Romanos 10:9,10

Siga tikijtowa iga Jesús toTēko, iwán ipan moalmaj ticredowa iga Dios ki-ojpa-ixitij kan miktoya, mitzsalvaroj. Puej iga toalmaj ticredowaj, iwán ijkón iga tiye ' onoj iyixtaj Dios, e ' iga toten tiknojma-ijtowaj iga Jesús toTēko iwán ijkón iga Dios tesalvarowa.

San Juan 3:16,17

Dios poxsan kichokilij inochimej yej onokej ipan inín tajli, este kimá ' iselpiltzin, iga inochi yej makicredo ipan yéj amo mapoliwi, majwa ' nochipa maono wan Dios. Dios ayá ' kititan iPiltzin ipan inín tajli iga makijto iga makicastigaro la gente, majwa ' iga makimanawi.



1 Juan 5:11-13

Ininwa ' in yej kijtoj Dios: iga yéj kichiwas iga nochipa tonoskej íwān, siga ticredowaj ipan Cristo wel nokta nochipa tonoskej íwān. Yej setito ' wān iPiltzin Dios, yawi onoti nochipa íwān ipan cielo; e ' yej ayá ' setito ' wān iPiltzin Dios, ayá ' onos nochipa íwān. Nimitzijkuilowiliá inín āma ' amejemej yej ankicredowaj ipan iPiltzin Dios, iga xikmatíkanya iga nochipa amonoskej iwān yéj ipan cielo.



San Mateo 8-9; San Marcos 1-2, 4;
San Lucas 4, 8; San Juan 2
Storyline by: Edward D. Hughes
Illustrated by: Byron Unger; Lazarus
and Alastair Paterson

Adapted by: E. Frischbutter; Sarah S.

Isthmus-Mecayapan Nahuatl Bible (nhx) © 2016, Wycliffe
Bible Translators, Inc. All rights reserved.

<https://live.bible.is/bible/NHXNFB/MRK/1>

©2024 Bible for Children, Inc.

www.M1914.org

www.bibleforchildren.org

